



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS;
*manè discutienda, in Scholis Medicorum, die Jovis decimâ secundâ mensis
Februarii, anno Domini M. DCC. LXVII.*

M. CAROLO-NICOLAO D'ESLON,

Doctore Medico Præsido.

An pro variâ aine variet temperamentum?

I.



AUDENTIS sanè naturæ opus & rerum ejus peritissimis
lepidè perpendendum est, indefesso labore, corpus hu-
manum; tam à longè præcellens aliis, ut prodigia refe-
rant quæcumque in ipso patrantur, & jacens adhuc sic
miraculo. Partes ejus constitutivæ duplicis sunt ordinis
solidæ nempe & fluidæ. Solidæ partes illæ sunt quæ ita in-
ter se coherent (a) ut unâ motâ aliæ cogantur moveri; sunt mere ter-
restres; si coadunentur & sibi invicem applicentur constituunt fibras, hæ
vasa minima, ex illis denique nascuntur membranæ, vasa majora & omnes
quæque partes organicæ. Fluidæ partes moleculis constant coacervatis sine
cohesionem contiguas quæ tactui levissimo cedunt & in se invicem (b) arie-

(a) Boerh.
Tract. de vis.
Med. cap. 1.

(b) Id. cod.
loc. c. 4.

tant; flexilitati, mollitiei, & nutritioni partium solidarum dicatæ; in-
tra eas perveniunt & inde contentas vocaverunt ut & primas conti-
nentes: possunt autem crassitie, quantitate, miscelâ, firmitate, aduna-
tione, nexu & intertextu variari, quam veritatem confirmat, actio per-
petua, in quâ hominis vita peragitur: à primo enim conceptu ad fi-
nem usque certo mechanismo & irrequieto motu ducenda est. Exinde
omnia evolvuntur phenomena physiologica, quorum præcipuum certè
in toto vitæ decursu aspectui venit, habitus ille corporis, è quò ætates
diversas esse judicatur; novum exoritur continuo spectaculum; unde
pendeat inquirendum nobis est in mutatâ temperie, cum asseremus jam
temperiem, tum ex variâ solidarum corporis partium conformatione &
dispositione, tum ex diversâ principiorum quibus constant humores com-
binatione & proportionem exurgere & variari.

I I.

(a) Typei fund.
Med. cap. 2.

act. 2.

QUENAM etenim antiquis fuit temperamenti definitio? Elemen-
torum & qualitatum proportionem dixerunt (a) differentias qua-
tuor primarias à siccitate, calore, frigore, & humiditate seligentes, to-
tidem simplicia admiserunt temperamenta; ab iis temperata proflue-
bant cum ab oppositis qualitativis, complexa cum à dissimilibus constab-
bantur. Deinde paululum ab hac methodo recedentes Medici, princi-
pes quatuor in corpore agnoverunt humores, sanguinem, bilem, phlegma
& melancholiam; à prædominio alter utrius humoris nascebatur tempe-
ries simplex, complexa ex eorum miscelâ. Nullus revera solidorum cor-
poris sit sermo in hac habitâ temperierum origine, nostram attamen
stabilem ex iis ipsis opinionem facile potuerimus, si eorum humorum
actionem in solida, horumque reactionem observaverimus, signa quibus
eos distinxerunt vel levissime prosequentes. Sanguinis prædominium, ex
carne molli & copiosâ, colore roseo, flexili mobilitate (b), venis am-
plis, notaverunt. Biliotam temperiem à pilis crispis, duritie corporis,
colore fusco, pulsu celeri & duro, in iram propensione arguerunt.
Phlegmaticam depinxerunt, glabritie cutis, pilis albis, tenuibus, tumore,
mollitie, corporis, venis augustis. Melancholicæ denique temperiei in-
dicantia habuerunt pilos nigerrimos, macilentiam ingentem, siccitatem
maximam, vasa stricta, robusta; illa fere omnia signa è solidis corporis
partibus desumpta, actionem reciprocam dequâ supra nonne probant?
Et res ipsa sane per se patet: detur enim excessus solidorum exorientur ne-
statim siccitas, durities, calor, crassities; si contra, corpus tunc erit molle,
tumens, humidum, ignavum & frigidum, proportionerit solidorum cum
fluidis temperiem immutare posse quis jam neget? Solidarum partium
conformatio & dispositio varietatem inferre panter dignoscitur, quod
inde pendeant fibræ proprietates, durities, crassitudo, debilitas, robur,
elaterium sensibilitas & mobilitas. Denique principiorum quibus const-
tant humores combinatio & proportio quam maxime hic agere, facilitate
probandum incumbit; omnes humores è sanguine ortum ducere, notum
est omnibus, pariter in sanguine adesse ab omnibus concessum datur; aut
sanguis partibus heterogenis constans pro variâ earum miscelâ naturam
suam coercet atque evariat; modo roseus, modo niger, aut flavescent; tunc
spissus, tenax, viscidus, terreus; tunc fluidior, levis, aquosus; præterea
salinas, & oleosas partes immixtas continet, sed horum omnium pars
exuperans caractere suo massam integram signabit, sit ita mihi in con-
cessum ex iis omnibus temperiem nasci & variari; ex concessio variam
esse propriam atate in medium proferre juvat.

(b) Vide in
inst. Boerh. sa-
mitatis singula-
ris signa; quo
loco veterum
exponit opi-
nionem de
temperamentis.

UT individuus inter à naturâ, colore; appetituum contrarietate observatur dissimilitudo; sic & major adhuc ætates denotat. Infantibus enim corpus habitu molle & pinguescens, calor mediocris, cutis alba, è flavo ciner ea coma, cæruleus oculus, pulsus frequens, crebra fames, digestio præceps, agendi desiderium & hilaris animus: pars vitæ felicissima, paucis obnoxia incommodis. Cum verna transit illa prima ætas, jam sobolescit novus rerum ordo; florem vitæ dicunt & deliciarum tempus; utinam! Revera marcescit corpus, elongatur, inquietudo & dolor omnes perperat articulos, ardent cor & thorax, decoloratur facies, languescit animus, aut raptim passionibus movetur; sicque vis generandi à malorum serie auspicatur. Vir factus homo robustus & potens undique viget dure illi exprimuntur muscoli, faciei lineamenta caractere firmantur, laboribus, vigiliis, inedia, incommodis, & excessui cuilibet paratus, mentis & voluntatis compos est. Cotruunt omnia: vix enim ad perfectiorem adolevit organisationem corpus cum jam ad insensibilem, sed certam ruinam trahitur, nudatur frons, albescunt tempora, rugatur arida cutis, præmit senium, titubat incessus, dentes labuntur, & caduca sit, motu & calore deficientibus, mox peritura machina. Quid plura de ætatum characteribus? Unicuique per se inclarescunt; ast harumcè differentiarum causa quasi cincta nube involvitur: namque nunc citiori, tardiori nunc gressu (a) progrediuntur, & in infinitum pro variis, regionis, loci, rationisque vivendi circumstantiis, mutationum divagatur circulus. Quæque tamen sit, in corporis ejusque partium solidarum & fluidorum mobili statu aderit: si proinde attentio phenomena prælata indagaverimus animo, forsan è commentario brevi clucebit; rem ergo agamus.

I V.

NASCENS puer (a) mucilagine undique constans, soliditatem aliquam vix adeptus, in omnibus sui partibus, porositate quàm maximâ, spongiosam præbet compagem, liquoribus facillime perviam; ejus fibræ graciles & ut totum corpus teneræ adhuc, à motu, & applicatione solidarum molecularum superveniente, nundum satis concretæ quàm ut iis detur firmitas & robor (b). Laxæ proinde & ab adipe multâ levigatæ, actiones quasque jucunde exercentes, calorem moderatum suppetitare queunt; paulatim augetur corpus, è die in diem accumulatur solidæ partes, vasorum minimorum augstantur extrema resistantia crescit, crescunt vires, remissior sit interea vegetatio, excessus manifestatur, functioque nova exurgit. Velantur tunc à naturâ ventris infimæ partes, decocta vox raucedinem sonans succi novæ feminæ præsentiam indicat, qui, quæcumque sit ejus natura, eam in ipsi destinatis secretoriis solum modo accipit unde continuo versus anteriora resorbetur (c); spiritus quibus abunda, in arterias & cor dispergit. Firmatur & exsiccat magis ac magis corpus, vernat sanguis sæpiusque in incendia furit. Dum vero ille mechanismus agat continuo, & ab ejus effectibus solida corporis crescant liquores superantia, solida coagmentari solidis necesse erit angustataque capillaria vasa infarciri, sed quibus id acciderit, iis jam mors est; senitque prima creant rudimenta, & interitus necessitatem (d) inferunt. Quod fibris tempore corrente accidit, idem eadem de causâ fit humoribus; mutantur enim, quin contrariam pul-

(a) Hist. Nat. Buffon, edit. in-12. t. 4. pag. 239.

(a) Boerh. Inst. Med. n.º. 472.

(b) Boerh. Inst. Med. n.º. 467.

(c) Vide Thel. sap. M. Macquart, an à semine partium robor?

(d) Vide Thel. an homini naturale tamque senescere & ultimum mori, tam naturale tamque ineluctabile sit quam adolescenti. P. 1.

(c) Boeth. de
Med. c. 4.

sim induunt indolem; liquores omnes cum intra vasa seu cava solida contineantur, nullusque reperiendus fit extravasatus in nostrâ machinâ (e) sequitur ut mutatio omnis in valis absolvatur: sed à triplici tantum fonte eam mutuari possunt. 1°. Ab eorum intestino motu, constant humores omnes, quorum alii visceri, alii volatiles, acres alii, &c. reperiuntur, partibus heterogeneis motu continuo semper in se ipsis relictantibus. 2°. A motu communicato, conquassantur etenim volvantur & teruntur ab actione vasorum; unde dissipantur volatiles & aquosæ partes, exaltantur acres, inspissantur terrea & viscidæ. 3°. Denique à novi liquidi ad mixtionem, sed in præmissis auram seminalem vidimus pro certâ ætate liquoribus aliis profluentem, eam à spiritu quam vivaci, vivide ardere diximus, ergo asseretur inde discrimen ingens. Humores præterea & solida mutuâ & reciproca actione in se ipsis agere nemini novum, mutantur itaque pari modo & ratione, effectulque omnes anterioris paragraphi patrare nec impares erunt.

V.

(a) Vall. in
Epid. Hippoc.
l. 6. f. 3.

(b) Hip. Aph.
54. f. 1.

(c) A 24. Aph.
ad finem, f. 3.

(d) Cels. l. 2.
c. 1. Id. l. 1. c. 3.

(e) Onib. Eup.
l. 1. c. 11.

(f) Phil. l. de
puls. c. 11.

(g) Aëtius tetr.
p. f. 1. c. 23.

(h) Aët. l. 1.
p. 3.

QUAM ex posui mox opinionem ut neotericis sic veteribus consentaneam esse affirmare non dubito. Etates enim non ab annorum numero sed mutationibus temperiei, deficientes esse nos docet Hippocrates (a) temperiem diversarum ætatum eloquitur (b) morbos variis generis, provariâ ætate dari, plus ve aut minus inferre periculi, nos monet (c) huic medicæ artis principi ubique conciliantur Celsus (d), Orisbafius (e), Philaretus (f), Aëtius (g), Aëturius (h); & quidem solidâ contra difficultas nulla nobis sonat; ne ergo sapientis effatum, quod ut rerum omnium sic & Litterarum intemperantiam dari exprobratur, dictum sit nobis; concludere non moramur.

Ergo pro variâ ætate variat temperamentum.

DOMINI DOCTORES DISPUTATURI.

M. Carolus-Ludovicus-
Franciscus ANDRY.

M. Joannes-Baptista-
Alexander MAIGRET.

M. Hyacinthus-Theodorus
BARON, Anti-
quis Facultatis Deca-
nus, necnon Castrorum
Regis & Exercituum in
Germaniâ & in Italiâ
Proto Medicus.

M. Maubeus-Thomas
LACASSAIGNE.

M. Josephus PHILIP.

M. Ludovicus-Maria
POUSSE, Eques &
Censor Regius.

M. Franciscus PORTIER
DELAHOUSSENIERE.

M. Joannes D'ARCET.

M. Antonius CASAMA-
JOR, Censor Regius.

Proponebat Parisiis, JOANNES-BAPTISTA-EUGENIA
DUMANGIN, Castrotheodoricus, Doctor Medicus Bifuntinus,
Saluberrimæ Facultatis Parisiensis Baccalaureus, Theses Auctor,
A. R. S. H. 1767. A SEXTA AD MERIDIEM.

Typis QUILLAU, Univerf. & Facult. Med. Parisiensis, Typographi.